

玉函山房輯佚書

孟子篇叙

漢 趙岐 撰

孟子篇叙者言孟子七篇所以相次叙之意也孟子以爲聖王之盛惟有堯舜堯舜之道仁義爲上故以梁惠王問利國對以仁義爲首篇也仁義根心然後可以大行其政故次以公孫丑問管晏之政答以曾西之所羞也政莫美於反古之道滕文公樂反古故次以文公爲世子始有從善思禮之心也奉禮之謂明明莫甚於離婁故次以離婁之明也明者當明其

行行莫大於孝故次以萬章問舜往于田號泣也孝
道之本在於情性故次以告子論情性也情性在內
而主於心故以盡心也盡己之心與天通道道之極
者也是以終於盡心也篇所以七者天以七紀璿璣
運度七政分離以布曜故法之也章所以二百六十
有一者三時之日數也不敢比易當期之數故取其
三時三時者成歲之要時故法之也三萬四千六百
八十五字者可以行五常之道施七政之紀故法五
七之數而不取盈也文章多少擬其大數不必過等

猶詩三百五篇而論曰詩三百也章有大小分章賦
篇篇越五千以卒其文無所取法猶論四百八十章
章次大小各當其事亦無所法也蓋所以佐明六藝
之文義崇宣先聖之指務王制拂邪之隱拓立德立
言之程式也洋洋浩浩具存斯文矣

毛扆彭宋蜀大
字章句本卷末

孟子程氏章句一卷漢程曾撰曾字秀升豫章南昌
人建初三年舉孝廉遷海西令事具後漢書儒林傳
傳言作孟子章句不詳卷數隋書經籍志未及著錄
佚在隋前諸書亦絕少徵引惟宋熙時子所注孟子
外書第三篇引有一則夫外書爲趙岐所不取以爲
後世依放而托然劉貢父傳之馬廷鸞敘之雖非孟
子本真而要爲治孟子者所宜參攷也茲據錄存附
載本傳俾論世者知其人焉歷城馬國翰竹吾甫

孟子程氏章句

漢程曾撰

孟子外書

孝經第三

孟子去齊子敖餞於犂門再舉觴孟子辭而去子敖曰夫子盍賦詩孟子曰子大夫欲我賦詩乎不曰堅乎磨而不磷不曰白乎涅而不緇

犂門齊南門犂力博反

宋熙時子孟子外書注引程氏言

附錄

程曾字秀升豫章南昌人也受業長安習嚴氏春秋
積十餘年還家講授會稽顧奉等數百人常居門下
著書百餘篇皆五經通難又作孟子章句建初三年
舉孝廉遷海西令卒於官

後漢書儒林傳

孟子程氏章句

二 鄭煥館補校

四十七卷五十二

孟子高氏章句一卷漢高誘撰後漢書無誘傳据誘
注淮南子自序知爲涿郡人從盧植學建安十年辟
司空掾除東郡濮陽令十七年遷監河東可攷者止
此誘作呂氏春秋序自言正孟子章句其書久佚故
歷代書志不著錄宋熙時子注孟子外書引高氏誘
二則此外亦無引之者焦循作孟子正義頗篤古訓
以誘所注諸書多及孟子尙可攷見迺詳取呂氏春
秋淮南子戰國策三注凡涉孟子者彙集之附於序
說語辭多少往往與今本不同如以北宮黝爲齊人

陳賈爲姚賈匡章陳仲子爲孟子弟子之類說多岐指誘受業於盧植與鄭康成先後同師古義討論要必有所依據茲就所集次第編錄並熙時子所引合訂成卷以存漢學至於三書訓注焦皆採入正義多與趙氏相發明然未顯言孟子不敢附合有焦書在固可披覽焉而會其通也歷城馬國翰竹吾甫

孟子高氏章句

漢高誘撰

梁惠王章句上

孟子見梁惠王

秦伐魏魏徙都大梁梁在陳留浚儀西大梁城是

也

呂氏春秋開春篇魏惠王死葬有日矣高誘注孟子所見梁惠王也秦伐魏云云

惠王

魏武侯子也

呂氏春秋審應篇魏惠王使人謂韓昭侯注云云孟子所見梁惠王也

爲其象人而用之也

偶人相人也歎其象人而用之

淮南子繆稱謂魯以偶人葬而孔子

孟子高氏章句

一 如奴館補校

數高誘
注云云

梁惠王謂孟子曰晉國天下莫強焉叟之所知也及

寡人身東敗於齊長子死

呂氏春秋
自知篇注

申魏惠王之太子也與龐涓東伐齊戰於馬陵齊

人盡殺之

自知
篇注

故梁惠王謂孟子曰寡人東伐敗

於馬陵太子死龐涓禽

戰國策齊策高誘注
呂氏春秋注引孟子正文

此乃約義言之今本孟子無謂孟子
三字寡人下有之字死下有焉字

孟子見梁襄王出語人曰望之而不似人君就之而

不見所畏焉

呂氏春秋樂成篇注
今本孟子望之下無而字

齊宣王

宣王齊威王之子

呂氏春秋驕恣篇注宣王齊威

者也又不屈篇注威王田和

之孫孟子所見宣王之父

將以繫鍾

見上注又戰國策齊策注宣王孟軻所見以羊易繫鍾之牛者也

案高注作鍾今

本作鐘

梁惠王章句下

百姓簞食壺漿以迎王師

呂氏春秋懷寵篇注引孟子今本無百姓二字

奚爲後予

同上連以迎王師句今本孟子作我

公孫丑章句上

孟子高氏章句

以齊王猶反手也

呂氏春秋壹行篇注今孟子作由

北宮黝之養勇也

北宮黝齊人

淮南子主術訓故握鋒劍以離北宮子注北宮子齊人孟子所謂北宮黝

也

以德行仁者王王不待大

堯舜禹湯文王皆王有天下

淮南子紀論訓注下引孟子

惡溼而居下

惡之何益

呂氏春秋至忠篇注孟子曰惡溼而居下故曰惡之何益

公孫丑章句下

子噲无王命而與子之國子之无王命擅受子之國
鞭國策齊策注引孟子今孟子作子噲
不得與人燕子之不得受燕於子噲

陳賈

姚賈

戰國策秦策姚賈對曰注姚賈譏周公
誅管蔡不仁不知者在孟子之篇也

滕文公章句上

然文之鄒

鄒孟軻邑

淮南子齊俗訓注

滕文公章句下

有楚大夫欲其子之齊言也使一齊人傳之衆楚人

咻之雖曰撻而求其齊也不可得矣引而置之莊嶽
之間數年雖曰撻而求其楚亦不可得矣呂氏春秋
引孟子今孟子楚大夫下有於此二字齊言作齊語
齊語也下有則使齊人傳諸使楚人傳諸日使齊人
傳之日十八字一
齊人上無使字

匡章

匡章孟子弟子

呂氏春秋
不屈篇注

陳仲子

陳仲子齊人孟子弟子居於陵

淮南子
汜論訓注

離婁章句上

惡死亡樂不仁

淮南子汜論訓注引孟子今孟子作今惡死亡而樂不仁

不仁必死亡

同上連樂不仁何

嫂溺而不拯是豺狼也

淮南子汜論訓注引孟子一今孟子拯作援無而字

舜不告而娶爲無後也君子以爲猶告也

堯知舜賢以二女妻舜不告父父頑常欲殺舜舜

知告則不得娶也不孝莫大於無後故孟子曰不

告猶告耳

淮南子汜論訓注

孟子曰西子蒙不潔則人皆掩其鼻而過之

淮南子修務訓

訓注今孟子無其字

言雖有美姿人惡聞其臭故睥睨掩其鼻同上

萬章章句上

堯使九男二女事

呂氏春秋去私篇注引孟子今孟子作帝使其子九男二女百官牛

羊倉稟備以事舜於畝畝之中

百里奚虞人也晉人以垂棘之璧假道於虞以伐虢

宮之奇諫之百里奚知虞公之不可諫也而去之秦

呂氏春秋慎人篇注引孟子今孟子假道上有與屈產之乘句宮之奇諫下無之字百里奚下有不諫二字不可諫也無也字細玩此注似所注孟子本作宮之奇諫之百里奚知虞公之不可諫也而去之秦爲上節文下卽接知虞公之不可諫而去之秦年已七十矣如此則之秦二字有根脈今本作百里奚不諫

後儒傳者庶耳

告子章句上

人性無不善

呂氏春秋盡數篇注引孟子似今孟子人無有不善異文

性無不善

淮南子似真訓注引孟子似今孟子性無善無不善也異文

人性善

淮南子說山訓注引孟子似今孟子今日性善異文

盡心章句上

達則兼善天下

達通也

呂氏春秋論人篇注通達也孟子曰達則兼善天下又重己篇注達通也

孟子曰楊子取爲我拔一毛而利天下不爲也

孟子高氏章句

楊楊朱其術全性保真雖拔骨一毛而利天下弗

爲也

淮南子似真訓注又汎論訓注謂不拔骨毛以利天下弗爲不以物累己身形也

墨子兼愛摩頂放踵

墨墨翟也其術兼愛非樂摩頂放踵而利國者爲

之

淮南子似真訓注

孟子受業於子思之門成唐虞三代

之德敘詩書孔子之意塞楊墨淫辭故非之也

淮南

子記論訓注

公孫丑曰伊尹放太甲於桐宮太甲賢又反之賢者之爲人臣其君不賢則可放與孟子曰有伊尹之志

則可無伊尹之志則篡也

呂氏春秋樂成篇今孟子作伊尹曰子不狎于不順

放太甲于桐民大悅太甲賢又反之

民大悅人臣下有也字則下有固字

得乎邱民爲天子

呂氏春秋本味篇注引孟子今孟子民下有而字

已成仁義之道而成爲天子

同上

孟子外書

孝經第三

孟子三見齊宣王而不言事五子曰夫子何以三見齊王而不言孟子曰我先攻其邪心邪心去則無不正矣書曰格其非心

丑子即公孫丑世本云齊末公子公子朝之子字

子景以字為氏亦曰景丑宋熙時子孟子外書注引高氏誘

為正第四

孟子過鄰見鄰莊公孟子道性善言必稱文王莊公

曰聞夫子之言昭然若發矇矣

世本鄰莊公名頹上

孟子曰王者師臣也呂氏春秋當染篇湯染於伊尹仲世注引孟子曰王者師臣也

今孟子無其語當屬外書檢照時子所傳外書四篇亦無之而為正篇凡八章下注闕姑以此附于篇末

孟子劉氏注一卷漢劉熙撰熙於後漢書無傳附見
三國吳志程秉薛綜二傳中一云後避亂交州與劉
熙考論大義一云避地交州從劉熙學知熙嘗居交
州其或宦或遊或教授其地無見也隋書經籍志於
大戴禮記十三卷下注云梁有諡法三卷後漢安南
太守劉熙撰亡畢氏沅釋名疏證序云後漢無安南
郡惟漢陽郡注引秦州記云中平五年分置南安郡
則安南或南安之誤焦循孟子正義引綜傳以爲其
相傳安南太守者亦以其在交州而謫非南安之誤

也晉李石續博物志云漢博士劉熙陳振孫書錄解題馬端臨文獻通考於釋名並云漢徵士北海劉熙成國撰此皆可以互考其注孟子隋唐志並云七卷今佚史記漢書文選等注尙有徵引而注上所列經文往往與今本不同蓋所據之本劉與趙異如書分古今詩判齊魯韓毛卽佚說之僅存頗資考覈之助宋熙時子傳孟子外書四篇其孝經第三注引劉氏熙一則案熙注七卷無外書不知熙時何据姑依錄之存其疑焉可已歷城馬國翰竹吾甫

孟子劉氏注

漢 劉熙 撰

梁惠王上

王曰叟

叟長老之稱依皓首之言

史記魏世家裴駢集解
孫奭孟子音義引上句

沛然下市

沛然注雨貌

王若隱其無罪而就死地

隱度也

文選崔子玉座右銘隱心而後動蔡伯喈
郭有道碑隱括足以矯時李善注並引郭

然孟子注隱度也而不言孟子何句注察指心而言惟此及下側隱之心耳於此隱訓度與下文有擇尤有關會故以屬此句

今恩足以及禽獸而不能加於百姓者何非力不能是不爲也王曰不能不爲二者謂何也孟子曰夫挾泰山以超北海王能乎王曰不能爲長者折枝王能乎曰不能也孟子曰夫挾泰山以超北海是實不能不可彊也爲長者折枝甚易而王不爲非不能也老吾老以及人之老幼吾幼以及人之幼天下可運於掌何爲不能加於百姓乎

翟灝四書考異云按此亦張皓王製傳注所引與孟

子本經大殊郭憚傳注復引此節文觀與本經不異
一人一書各出如是可見也時孟子本視他經爲尤
錯難論案郭憚傳注與今孟子同者用趙岐本張皓
王與傳注引與今本異者觀其下載劉熙注蓋用劉
熙本李善女選注引孟子凡用劉熙注者亦多與今
本不同知劉趙兩本之孟子彼此互異今並輯錄
折枝若今之按摩也後漢書張儉傳王與傳唐章懷太子注

梁惠王下

齊宣王見孟子於雪宮

雪宮離宮之名也

文選謝惠連雪賦注

一遊一豫爲諸侯度

春行曰遊秋行曰豫

薛綜東京賦注秋行曰豫孔廣森經學厄言是漢人舊說

孟子劉氏注

二 寧波館補校

猶以遊豫分春秋也倪思真讀書記春爲生生氣
可觀故曰遊秋爲收成成功可喜故曰豫秋行曰
豫則春行曰遊可知案薛綜
從劉熙學此述劉義也據補

鄉與魯閩

閩構也構兵以闕也

孫爽音義

公孫丑上

子夏子游子張皆有聖人之一體冉伯牛閔子顏淵

則具體而微

文選李蕭遠運命論注引孟子作冉伯牛

體者四支股脚也具體者皆微者也皆具聖人之

體微小耳體以喻德也

同上

卷五下

孟子去齊宿於畫

史記田單列傳同畫邑人王蠋

畫西南近邑畫音獲

史記集解

滕文公上

周人百畝而徹其實皆什一也

家耕百畝徹取十畝以爲稅也

孝經庶人章
邢昺正義

蓋歸反藥裡而拵之

藥盛土籠也

詩大雅絲篇鄭元箋盛之以藥陸
德明經典釋文藥下引劉熙云

滕文公下

孟子劉天圭

三姆娘館補校

趙簡子使王良與嬖奚乘終日不獲一禽反曰天下
 賤工也王良請復之一朝而獲十反曰良工也簡子
 曰吾使汝掌乘王良日不可吾為範我馳驅終日不
 獲焉為之詭遇一朝而獲十女選班孟堅東都賦上
 引孟子與今本不同下
 用劉熙注
 蓋熙本也

橫而射之曰詭遇女選東都賦注又
 張平子東京賦注

景春曰公孫衍張儀豈不誠大丈夫哉

景春孟子時人為縱橫之術者女選枚乘
 七發注

齊肩詔笑

有肩竦體也

文選揚子
雲解嘲注

病于夏畦

今俗以二十五畝爲小畦

文選顏延年和
謝監靈運詩注以五十

畝爲大畦也

文選潘安仁在懷縣作第二首
注引有今俗二句合上句刪訂

浦澤多

浦水草相半

後漢書崔
駟傳注

知我者其惟春秋乎罪我其惟春秋乎

知者行堯舜之道者也罪者在王公之位見貶絕

者也

史記孔子
世家集解

孟子劉氏注

陳仲子豈不誠廉士哉居於陵三日不食耳無聞目無見也井上有李實蝻食者過半矣匍匐往將而食之三咽然後耳有聞目有見也

文選張景陽雜詩注引孟子與今本不同

陳仲子齊一介士也蝻蟲也李實有蟲食之過半

言仲子曰無見也

文選張景陽雜詩注

槽者齊俗言如酒槽

也

文選劉伯倫酒德頌注焦備孟子正義淮南子汎論訓槽矛無學高誘注槽讀頌如蝻蝻之蝻

仲子織屨妻辟纒以易之

文選張景陽雜詩注引孟子作作子

仲子自織屨妻紡纒以易食也緝績其麻曰辟練

絲曰纒也

同上

離婁上

滄浪之水清

女選陸士衡塘上行注引孟子無分字

滄浪水色也

同上

離婁下

孟子曰齊人一妻一妾而處室者其良人出必厭酒

酒肉而後反

女選古詩十九首注王景元雜詩注引至酒肉並云齊人一妻一妾潘安仁窈

婦賦注齊人下有有字引至後反顏延年秋胡詩注引良人出必厭酒肉均無則字

婦人稱夫曰良人

文選潘安仁窈婦賦注又顏延年秋胡詩注又古詩十九首注

並引劉熙王景元

雜詩注譌爲劉渠

孟子劉氏注

五經館補校

萬章上

父母使舜完廩捐階瞽瞍焚廩使浚井出從而捨之

舜以權謀自免亦大聖有神人之助也

史記五帝本紀集解

舜讓避丹朱於南河之南

史記五帝本紀文選陸士衡答賈謐詩注引孟子同

南河九河之最在南者

史記集解

天下朝覲獄訟者不之堯之子而之舜詎歌者不詎

歌堯之子而謳歌舜舜曰天也夫然後歸中國踐天

子之位焉

焦循孟子正義文選陸機答賈長淵詩云獄訟違魏謳歌適晉注引孟子萬章作天

下朝覲獄訟者又云舜曰天也夫然後歸中國踐天子之位焉史記五帝本紀云獄訟者不之丹朱而之

舜歌者不誣歌丹朱而誣歌舜舜曰天也與文選
注所引同劉熙言於是遂反則熙所據之本正作歸
中國故以
反釋歸

天子之位不可曠年於是遂反格于文祖而當帝

位帝王所都爲中故曰中國

史記五帝本紀集解

昔者舜薦禹於天十有七年

史記夏本紀云舜薦禹於天爲嗣十七年

若此則舜格于文祖三年之後攝禹使得祭祀與

史記夏本紀集解

禹避舜之子於陽城

史記夏本紀云禹辭舜之子商均於陽城

今潁川陽城是也

同上

孟子劉氏注

益避禹之子於箕山之陰

史記夏本紀益讓帝禹之子啓而辟居箕山之陽集

解孟子曰陽字一作陰下引劉熙

崇高之北

同上

商章下

貪夫廉

賊琳經義雜記云韓詩外傳云伯夷目不視

橫政之所出橫民之所止不忍居也思與鄉人居若

朝衣朝冠坐於塗炭也故聞伯夷之風者貪夫廉懦

夫有立志又漢書王貢兩龔鮑傳序引孟子云聞伯

夷之風者貪夫廉懦夫有立志奮乎百世之上百世

之下莫不興起非賢人而能若是乎又後漢書王龔

傳云聞伯夷之風者貪夫廉懦夫有立志丁鴻傳論

曰孟子曰聞伯夷之風貪夫廉懦夫有立志列女傳

曹世叔妻云昔夷齊去國天下服其廉高李注引孟

子曰聞伯夷之風者貪夫廉懦夫有立志又蔡文志
隨逸下引魏王粲弔夷齊女曰厲清風於貪士立果
志於懦夫當亦用孟子又云孟子漢有劉熙注
梁有蔡母遠注作貪者或見二家之本與據補

告子上

白羽之白也猶白雪之白也歟白雪之白也猶白玉

之白也歟

文選謝惠連雪賦注引孟子

孟子以爲白羽之白性輕白雪之性消白玉之性

堅雖俱白其性不同問告子告子以爲三白之性

同

同上又類延年祭屈原文注引白玉之性堅句

告子下

孟子創天主

而摟其處子

摟牽也

文選稽叔夜琴賦注

案毛氏汲古閣文選本誤作劉向孟子注宋本六臣注作劉

熙茲據

訂正

魯欲使樂正子爲政孟子喜而不寐公孫丑曰奚喜

曰其爲人也好善

文選王仲寶積勳碑注引孟子與今本異

樂正姓也子通稱也名尅

同上

盡心上

孟子曰舜之居深山之中所以異於深山之野人者

幾希

文選任彦昇齊竟陵文宣王行狀注引孟子與今本異

當此之時與野人相去豈遠哉

同上

墨子兼愛摩頂致於踵利天下爲之

文選注引孟子今本作放踵

致至也

文選江文通上建平書注引孟子墨子兼

也又在彥昇彈曹景宗文注引孟子墨子兼愛摩頂致於踵趙岐曰致至也周廣業孟千古注考據

此則趙劉所有之本注並同矣

孟子曰柳下惠不以三公易其介

介操也

文選顏延年始安郡還都與張湘州登巴陵城樓作法

猶橐做屣也

翟顛因書考異文選北山移文注引劉熙孟子注曰屣草屣似劉本跣字作屣

廣韻屣字下引孟子舜去天下如脫屣屣

孟子劉氏注

履草履可履

女選孔稚圭
北山移文注

孟子曰食而不愛豕交之愛而不敬獸畜之

文選東
廣後補

亡詩注引孟子非
作不無兩也字

愛而不敬若人畜禽獸但愛而不能敬也

同上

孟子外書

孝經第三

孟子曰樂正子春生孝也茅廩死孝也

茅廩驕大夫喪母哀毀而死

宋熙時子孟子外
書注引劉氏熙

獻猶軒軒在物上之稱也

文選何平叔景福殿賦
注引劉熙孟子注未知

孟子鄭氏注一卷漢鄭元撰元於易書三禮論語孝經皆注毛詩有箋已各著錄後漢書本傳詳列所著書不言孟子而隋志有孟子七卷鄭元注唐志亦有鄭元注孟子七卷未知何據或爲鄭學者依托其說而成此書與今佚傳記絕無徵引茲取元注諸書中所引孟子及隱括孟子義者輯錄以補缺遺雖非本書而文字與今本異者可準鄭箋詩改字及注魯論以齊古讀正之例而訓釋之得諸他經注者轉確然見康成之手澤矣歷城馬國翰竹吾甫

孟子鄭氏注

漢鄭元撰

梁惠王上

交征利

征以多言之

周禮天官小宰鄭元注下引孟子交征利

五畝之宅樹之以桑麻

月禮地官遂人注引孟子桑下有麻字又載師疏引注同

案梁書張充與王儉書有五畝之宅樹以桑麻句

則五十者可以衣帛

月禮地官載師注引孟子五

十上有則字帛下無矣字

踰梁山邑于岐山之下居焉

孟子鄭氏注

梁山在岐山東北岐山在梁山西南

尚書大傳畧說注史記周

本紀編梁山張守節正義引鄭元云岐山西南

公孫丑上

曾子曰吾先王之所畏

禮記曲禮注作曾子曰畏下無也字

心服曰畏

同上

雖有茲其

周禮秋官雜氏注萌之者以茲其翟頤四書考異引之云亦卽茲基

市廛而不征法而不廛則天下之商皆說而願藏於

其市矣

周禮地官廛人注引孟子作說

謂貨物預藏於市中而不租稅也故曰廛而不征

其有貨物久滯於塵而不售者官以法爲居取之

故曰法而不塵

同上

闕幾而不征則天下之行旅皆說而願出於其塗

禮周

地官司關注引孟子誠作幾旅上有行字悅作說路作塗下無矣字

塵無夫里之布則天下之民皆說而願爲其民矣

禮周

地官載師注引孟子悅作說之氓作其民

宅不毛者有里布民無職事出夫家之征欲令宅

樹桑麻民就四業而無稅賦以勸之也

同上

人無是非之心非人也

禮記曲禮注引孟子無上有人字孔穎達正義兼引人無

孟子卷上注

二十七卷七十二

惻隱之心非人也人無是非之心非人也句首各有人字

孟子曰矢人豈不仁於函人哉矢人唯恐不傷人函

人唯恐傷人居禮考工記注引孟子惟作唯

匣也同上

公孫丑下

天下有達尊三曰爵也德也齒也周禮天官大宰注儀禮鄉飲酒禮注

引孟子並同儀禮注無日字

尊天下之貴者大宰注

申詳

子張姓顓孫而子曰申詳周秦之聲二者相近

禮記

檀弓

注

滕文公上

滕文公問爲國於孟子孟子曰夏后氏五十而貢殷人七十而斆周人百畝而徹其實什一徹者徹也斆者藉也龍子曰治地莫善於斆莫不善於貢貢者校數歲之中以爲常

周禮考工記匠人注爲國下有於孟子三字助並作斆什一下無也

字

詩云甫我公田遂及我私惟斆爲有公田由此觀之

孟子與日泊

三如對句釋形
四十七卷七十三

雖周亦蒞也

同上助
作蒞

其民之心先公後私令天主兩於公田因及私田

爾此言民怙君德蒙其餘惠

毛詩
箋

文公又問井田孟子曰

考丁記匠人注賈公彥疏按
彼是文公使畢職問今以爲

文公問者畢職文公臣君統臣功亦得爲文公問也
案注引孟子曰下接請野九一而蒞小司徒注有

夫仁政一段位
今本孟子訂次

夫仁政必自經界始經界不正井地不均貢祿不平

是故暴君姦吏必慢其經界經界既正分田制祿可

坐而定也

周禮地官小司徒
注穀作貢汚作煮

立國小司徒經之立其五溝五塗之界其制似井

之字因取名焉

同上

請野九一而勗國中什一使自賦

匠人注引作勗又注引作九一而稅

自卿以下必有圭田圭田五十畝

周禮地官載師注引孟子卿上有自

字畝作晦匠人注禮記王制注引同今本

仕者亦受田所謂圭田也

載師注

餘夫二十五畝

匠人注

其一戶有數口者餘夫

周禮地官遂人注

死徙無出鄉鄉田同井出入相友守望相助疾病相扶

則百姓親睦方里而井井九百畝其中爲公田八家

皆私百畝公事畢然後治私事所以別野人也周禮

注引然後下無敢字又天官大宰注引鄉田至親睦無持字

離婁上

泄泄猶沓沓也

笑語沓沓如湯之沸

毛詩滂篇箋

夫人必自悔而後人侮之家必自毀而後人毀之國

必自伐而後人伐之

鄭元發墨守引孟子

觀其眸子

周禮秋官小司寇注

觀其眸子不直則眊然

同上

離婁下

子產聽鄭國之政以其乘車濟人於溱洧

禮記注作乘車正義

引孟子亦作乘車

子產嘗以其乘車濟冬涉者而車梁不成是慈仁

亦違禮

禮記仲尼燕居注

魯之春秋晉之乘楚之檣机

周禮春官外史注魯之春秋句在上

將見良人之所之

儀禮士昏禮注引孟子無古字同作見

萬章下

天子之制地方千里

孟子生當紂王之際王制之作當在其後

禮記王制正義

引鄭答林頌

王畿方千里者凡九百萬夫之地三分去

一定受田者三百萬夫出都家之田以其餘地之
稅祿無田者下土食九人中土食十八人上土三
十六人下大夫七十二人中夫夫百四十四人

二百八十八人

同上

孟子外書

孝經第三

孟子曰舜生五十而不失其孺子之心

禮記坊記注
宋熙時子傳

孟子外書四篇孝經第三載此簡注
蔡母氏遂曰鄭氏禮記注引之据補

孟子曰諸侯有王

周禮秋官大行人注
子外書孝經第三載此節全文云

孟

伯之罪也注蔡母氏遂曰諸侯有王鄭氏周禮注引

之

玉函山房輯佚書目

卷四十八

經編孟子類

孟子蔡毋氏注一卷

蔡毋選

孟子陸氏注一卷

唐陸善經

孟子張氏音義一卷

唐張鎰

孟子丁氏手音一卷

唐丁公著

經編爾雅類

爾雅韃爲文學注三卷

漢郭舍人

孟子綦毋氏注一卷晉綦毋邃撰邃字及里爵均無考周廣業孟古注考云宋裴駙注史記兩引其說知爲晉人案裴氏所引邃注列女傳語也隋志列其書於皇甫謐列女傳之下杜預女記之上審爲晉代之士矣茲据補題隋志云梁有孟子注九卷綦毋邃撰亡唐書藝文志載綦毋邃注孟子七卷蓋其書亡於隋世至唐復得之而缺其二卷也今佚惟通典文選注引凡五節而朱熹時子所注孟子外書其孝經篇亦引綦毋氏四節蓋在唐二卷佚篇中劉貢父得

外書於湮散之餘佚說幸存也茲並輯錄其說伯夷
隘柳下惠不恭與驅蛇龍而放之菹焦循作孟子正
義取之而頗有所發明坳屬節下益以著古義之可
珍云歷城馬國翰竹吾甫

孟子蔡毋氏注

晉 蔡毋遠 撰

公孫丑上

公孫丑問曰夫子當路於齊

當路當仕路也

文選阮嗣宗詠
懷詩李善注

伯夷隘柳下惠不恭隘與不恭君子不由也

隘謂疾惡太甚無所容不恭謂禽獸畜人是不敬

然此不爲褊隘不爲不恭

文選顏延年
陶徵士詠注

焦循孟子正義晉蔡毋遠孟子注云云此解隘

不恭與趙氏同而其不同趙氏者趙氏謂伯夷
之不屑就爲隘柳下惠之不屑去爲不恭以君
子不由爲聖人不取由用也取亦用也然孟子
以夷爲聖之清惠爲聖之和夷惠既是聖人則
隘不恭聖人不由不得謂夷惠爲隘不恭故蔡
母遠易趙氏義云此不爲褊隘不爲不恭此字
指夷之不屑就惠之不屑去謂如是爲隘如是
爲不恭若謂伯夷隘柳下惠不恭則伯夷柳下
惠皆君子也隘與不恭君子皆不爲則夷不爲

隘惠不爲不恭也

滕文公上

江漢以濯之秋陽以暴之

文選注引孟子作暴下用
茶母遠注蓋遠本作暴也

周之秋與夏爲盛陽也

文選沈休文齊故
安陸昭王碑文注

滕文公下

驅蛇龍而放之菹

沮澤生草言菹沮與菹同

文選左太冲蜀
都賦劉涓林注

焦循孟子正義孟子之菹卽王制之沮蔡母選

作菹黃公紹韻會引孟子作菹菹卽菹字菹爲

菹之通也

離婁下

諫行言聽膏澤下於人有故而去君使人導之出疆

通典引孟子民作人君上無則字

謂有他故不得不行或被怨仇者也

杜佑通典卷九十九

孟子外書

孝經第三

孟子曰舜生五十而不失其孺子之心

鄭氏禮記注引之

熙時子注引
蔡毋逢曰

樂正子春年九十矣使其孫克學於孟子告之曰昔者聖人之門顏子以仁曾子以孝季路以勇伯饋以智各以所得聞於天下傳於後世汝往矣庶幾其一得乎

伯饋端木賜也

同上

梁惠王曰先王用李悝盡地利至於今賴之孟子曰非古也古莫善於蒞蒞者殷法雖周亦蒞也地有餘利則民有餘地無餘利則君有餘損下以益上非古也

勤讀如藉

同上

孟子曰天下有道諸侯有王東遷以後天下無王五伯之罪也

諸侯有王鄭氏周禮注引之

同上

附考

梁有孟子注九卷綦毋邃撰亡

隋書經籍志

綦毋邃注孟子七卷

唐書藝文志

梁時又有綦毋注九卷

孫爽孟子正義

綦毋複姓左傳有晉大夫綦毋張見廣韻毋字注戰

國有綦毋子見劉向別錄後漢有東莞綦毋君見謝

承書劉表在荊州有儒士綦毋閎邃世次行事無考

隋志載其列女傳七卷在皇甫謐後又云二京賦二

卷李軌綦毋邃撰又注三都賦三卷撰誠林三卷並

梁有今亡宋裴駟注史記嘗兩引其說知爲晉人正義不考但云在梁時又有蔡毋遂注九卷疏也

周廣業孟

子古
注考

孟子陸氏注一卷唐陸善經撰善經不詳何人字及爵里均無考其注孟子舊唐書經籍志不載新唐書有陸善經孟子注七卷崇文總目云善經唐人以軻書初爲七篇因刪去趙岐章指與其注之繁重者復爲七篇孫奭孟子正義云自陸善經已降其訓說雖小有異同而咸歸宗於趙氏今佚惟孫奭音義引之輯錄一卷如說子莫執中云子等無執中說達財云周恤之頗見奇異至爲長者折枝趙氏云案摩折手節解罷枝也陸易爲折草樹枝必求龍斷而登之趙

云謂墜斷而高者也陸易爲岡壘斷而高者朱子取
入集註今所視爲常解者在當日實爲創說也其它
訓詁已不可見以正義歸宗趙氏推之要必無大殊
於舊注音義或錄其不同者以備參攷乎歷城馬國
翰竹吾甫

孟子陸氏注

唐陸善經撰

梁惠王章句上

爲長者折枝

折枝折草樹枝

孫奭音義

公孫丑章句上

無是餒也

言以道義配之則充塞無是餒也

公孫丑章句下

有私龍斷焉

龍斷謂岡壑斷而高者

滕文公章句下

爲之詭遇

詭遇詭計以要禽也

告子章句上

性猶湍水也

湍波流也

告子章句下

然後知生於憂患而死於安樂也

知如字言憂患者以生全安樂者得死亡也

盡心章句上

人君子所過者化所存者神

言君子所過人者在於政化存其身者在於神明

益於背

益於背如負之於背

子莫執中

言子等無執中

孟子曰柳下惠不以三公易其介

介謂特立之行

有達財者

達財周恤之一本作才以有善才就開其性體也

變其殼率

率法也

君子引而不發躍如也

躍如心願中也

中道而立能者從之

能者從之當勤求也

盡心章句下

被衿衣

衿衣之美者

近聖人之居若此其甚也然而無乎爾則亦有乎爾

今孟子木作然而無有乎爾則亦無有乎爾

孟子意自以當之邾魯相邾故曰近聖人之居無

乎爾有乎爾疑之也此意以況絕筆於獲麟也

上

孟子張氏音義一卷唐張鎰撰鎰字季權一字公度蘇州人朔方節度使齊邱之子官至中書侍郎平章事鳳翔隴右節度使贈太子太傅新舊唐書皆有列傳舊唐書傳詳所著書有孟子音義三卷而經籍志失載新唐書藝文志有之云三卷與舊書傳同朱太史藝文經義考云唐志七卷者誤也宋史藝文志亦云三卷題作張諡諡亦鎰字之譌今佚惟見孫奭音義孫序譏其徒分章句漏畧頗多今就所采者錄之以存古說至於補綴缺遺則固有孫書在也歷城馬

國翰竹吾甫

孟子張氏音義

唐張鎰撰

孟子題辭

卽序也趙氏尙異故不謂之序而謂之題辭也

孫爽

正義及音義並引

正塗雍底

底音邱言否塞不通也

孫爽音義

得以亂思造老也

亂治也思去聲

同上

梁惠王章句上

章指君臣集穆當爲輯穆

孫氏音義

白鳥鶴鶴

詩本作翯翯戶角切古字假借今依詩本音

同上

時日害喪

害音曷書曰曷喪

同上

數罟不入洿池

數音朔下音古

同上引丁張

塗有餓莩

草毗小切同上引

放辟邪侈

侈尺氏切孫氏音義

是罔民也

罔如字同上

梁惠王章句下

眴眴胥讒

眴古縣切側目視貌言眴眴然怒目相嫉而相讒

也孫氏音義

孟子張氏音義

二 鄉熾館補校

四十八卷十三

蓋徵招角招是也

招音韶下同

係累其子弟

係音繫下力追切

鄒與魯閏

闕胡弄切闕聲從門下者下降切義與巷同此字

從門丁豆切與門不同

並同上

公孫丑章句上

曾西斃然不悅

艱音拂

孫氏音義

以齊王由反手也

王于況切此字既多可以義詳

同上

以爲無益而舍之者

舍音捨下舍是舍已皆同

同上引
下張

善爲說辭

說音稅

孫氏音義

非所以內交於孺子之父母也

內音納

若將浼焉

浼莫罪切

並同上

公孫丑章句下

親戚畔之

畔與叛同

孫氏音義

孟子謂蚘蚘曰

蚘烏媯切

沈同

沈音審或作沉誤

並同上

子噲不得與人燕

子噲燕易王子

案今本孫氏音義不言張云朱彛
尊經義考類枝張氏鑄孟子音義

下或所見本
異姑依錄之

有私龍斷焉

斷如字或誤如斷割之斷非也

孫氏
音義

滕文公章句上

畫爾于茅

茅或作苗誤也

孫氏
音義

放辟邪侈

多諸本作移誤也

是罔民也

罔或作司誤也

並同上

裋屨

裋音閻

孫氏音義云裋丁音閻又云張作裋音同

是率天下而路也

路與露同

孫氏音義丁張並云

蠅蝻姑嘬之

蝻音訥諸本或作蝻誤也

孫氏音義

滕文公章句下

出疆必載質

質音贄義與贄同

孫氏音義

毀瓦盡墁

墁武安切與謾同

泲水警余

泲音絳又下江切

邪說暴行

說音稅行下孟切注及下誠行操行皆同

並同上

兄戴蓋祿萬鍾

蓋音盍

同上引
丁張

則有饋其兄生餼者

餼與鷺同

孫氏
音義

出而哇之

哇於佳切

同上引
丁張

離婁章句上

治人不治

上直之切將理之義也下直吏切已理之義也後

皆放此

孫氏音義

逝不以濯

濯直角切

獸之走壙也

走音奏下音曠

徒餽啜也

餽博孤切亦音哺

並同上

離婁章句下

徒枉成

孟子張氏音義

六經類傳補校

杠音江方橋也可通徒行人過者

孫氏音義

行辟人可也

辟音闕亦如字注辟除同

同上引丁張

又極之於其所往

極紀力反又如字

孫氏音義

養生者

養餘亮切注及下養親之養得養皆同

逢蒙

逢薄江切從夆夆下江切

學射於尹公之他

他徒何切

施從良人之所之

施音易謂延施而往也

施施從外來

施音怡

並同上

萬章章句上

爲不若是恕

恕古黠切

孫氏音義

孟子張氏音義

從而揜之

揜與掩同

子產使校人畜之池

校音教

以行與事

行去聲下行歸惡行皆同

旣而幡然改曰

幡與翻同

若已推而內之溝中

內音納下卷同

於衛主顏雉由

雉音醜

萬章章句下

爾焉能浼我哉

浼音每

孫氏音義

接浙而行

浙先歷切瀆米也

同上引丁張

迭爲賓主

孟子張氏音義

八鄉館補校

送或爲佚誤

孫氏音義

魯人獵較

較音角

同上引丁張

二女女焉

上如字下去聲

孫氏音義

告子章句上

義猶栝椹也

栝椹屈木爲之也

孫氏音義

搏而躍之

搏補各切以手擊水

蹴爾而與之

蹴取六切或作蹙音同

所識窮乏者得我與

與平聲亦如字

並全上

告子章句下

任人

任音壬

孫氏音義

親迎則得妻

迎魚慶切下同

孟子曰於

於音烏歎辭也斷句

同上引
丁張

奚翅食重

翅與啻同古字通用施智切

孫氏
音義

紵兄之臂

紵音軫又徒展切

今交九尺四寸以長

長如字

力不能勝一匹雛

匹如字下士干切

並同上

越人關弓而射之

關音彎

同上引
丁張

其趨一也

趨讀如趣言其趨向正道無異也下注同

孫氏音義

此則滑螯所不識也

滑音骨下力之切

同上引
丁張

謂之泔水

澤音絲又下江切

孫氏音義

詭詭于既已知之矣

詭吐禾切蓋言辭不正欺罔於人自誇大之貌

膠隔

隔音隔

所以動心忍性

忍如字

曾益其所不能

曾與增同

並同上

盡心章句上

如其自視飲然

飲音次字林云欲得也今詳此義內顧不足而有

所然也下注滿飲同

孫氏音義

睥睨如也

睥與昊同說文胡老切義與浩同古字通用

益於背

益烏曩切下注同又烏浪切

孳孳爲善者

孟子張氏音義

萃與致同古字通用下文同

蹶之徒也

蹶與跣同之石切

章指隳子不替也替亡角切

獸畜之也

畜許六切

有私淑艾者

艾五泰切養也

膝更之在門也

更音庚並同上

盡心章句下

一間耳

問音澗亦如字

孫氏音義

貉稽

貉亡百切說文云北方人豸種也

山徑之蹊問

問如字

而民有殍

殍音孚

言不願行行不願言則曰古之人古之人行

三行並去聲注及下行合爲行之行士行皆同

何爲踴踴涼涼

爲于僞切踴俱禹切爲又如字

並同上

附錄本傳

張鎰蘇州人朔方節度使齊邱之子也大厯五年除濠州刺史爲政清靜州事大理乃招經術之士講訓生徒撰三禮圖九卷五經微旨十四卷孟子音義三卷尋拜中書侍郎平章事集賢殿學士盧杞忌鎰名重道直無以陷之以方用兵因薦鎰以中書侍郎爲鳳翔隴右節度使李楚琳作亂鎰出鳳翔三十里爲侯騎所得楚琳殺之贈太子太傅

舊唐書

張鎰字季權一字公度

新唐書
姑蘇志

孟子張氏音義

一經類館補校
四十六卷三十四頁

孟子丁氏手音一卷唐丁公著撰公著字平子蘇州吳人官至太常贈尚書右僕射事蹟具唐書本傳傳言著太子諸王訓十篇不言音釋孟子舊新唐書志均未載之宋史藝文志有丁公著孟子手音一卷蓋唐志遺之也今佚惟孫奭音義載其說据以輯錄宋熙時子孟子外書注亦引一則編次卷後孫序謂丁氏稍識指歸謬時有今觀所引頗詳攷證足與趙注相發明則經芟削之餘所存者固皆醇義也歷城

馬國翰竹吾甫

孟子丁氏手音

序

孟子丁氏手音

唐 丁公著 撰

孟子題辭

趙氏

案漢書趙岐本傳云趙岐字邠卿京兆長陵人

也

孫爽孟子正義及孟子音義並引丁公著音義無漢書趙岐及云趙二字正義有之案

正義音義二書引此節互有詳畧依次參訂各標所出其與後漢書異者附載於下初名

嘉生於御史臺因字臺卿後避難故改名岐少

明經有才藝公府屢辟爲京兆尹延篤功曹

音義

引嘗遇疾甚誠其子曰吾死之後置一回石安

墓前刻曰漢有逸人姓趙名岐有志無時後疾

瘳仕至大僕卿嘗仕州郡以廉直疾惡見憚焉

正義引案後漢書岐本傳云仕州郡目廉直

疾惡見憚年三十餘有重疾卧蓐七年自慮奄

忽乃爲道令勅兄子曰大丈夫生世無箕山

之操仕無伊呂之勲天不我與復何言哉可立

一員石於吾墓前刻之曰漢有逸人姓趙名嘉

有志無時命也奈何其後疾瘳永興二年辟司

空豫先是岐常貶議中常侍唐珩漢書兄玆爲京

兆尹岐遂避難四方無所不歷及諸唐滅乃出
仕歷并州刺史議郎後以老病就拜太常九十

餘建安六年卒

音義

子者男子之通稱也

稱去聲下有此字以意讀之

音義

直炎劉之未奮

直音值

以詒後人

詒音義與貽同

五經之鎡鎡

鎡鎡上音管方言作轄車釘也下音轄車轄也

魯滅倉毀鬲孟子

鬲音隔蓋謂毀之使情隔耳又音歷

並同上

梁惠王章句上

案史記梁惠王魏武侯之子名罃罃音鴛

音義

經始勿亟

注言文王不彊促使之亟疾也亟子六切

同上

庶民子來

注衆民自來趣趣音趨亦如字

同上

案今注疏本作來赴

於仞魚躍

今本孟子作於物音義云丁本作仞

草指大平化興

大音泰下有此字以意求之

音義 斤

直不百步耳

直音值

同上

數罟不入洿池

數罟音朔下音古

音義引丁張

是使民養生喪死無憾也

喪如字

音義

數口之家

數色主切

然而不王者

王去聲下文以意讀之

並同上

塗有餓莩

注餓死者曰莩詩曰莩有梅韓詩也詩作標與莩

同

音義引

莩毗小切

同上引

殺人以槌與刃

槌徒頂切從木

音義

願比死者以酒之

酒音洗謂洗雪其恥也

薄稅斂

斂力劔切

吾不忍其觥觶

斛速二音恐貌並同上

放辟邪侈音義邪侈
丁作移

是司民也音義罔民
丁作司民

下音同上

梁惠王章句下

獨樂樂

上音岳下音洛下文及注樂樂皆同

音義

舉疾首蹙頰

舉猶皆也屬下句蹙子六切頰音過

文王事混夷

混音昆昆夷大戎別名

故大王事獯鬻

上音熏下音育夏曰獯鬻商曰鬼方周曰獫狁秦

漢曰匈奴魏曰突厥

書曰天降下民作之君作之師惟曰其助上帝寵之
四方有罪無罪惟我在天下曷敢有越厥志

注尙書逸書也今尙書太誓有此文但三五字詳
畧不同耳此注云逸書者古文太誓自孔安國注
遭巫蠱事亦遂寢藏於私家故先儒鄭康成馬季
長杜元凱等皆以爲逸書故此注亦云逸書不見
古文也

一人衡行於天下

衡音橫

爲民上而不與民同樂者亦非也

注人君適情從欲從音縱本亦作縱

吾何修而可以比於先王觀也

觀音貫亦如字

從獸無厭

厭一兼切

比其反也

比必二切及也

反其旄倪

上音毫下音齟老也

鄒與魯關

閔胡降切

乃屬其耆老

屬音燭聚會也

並同上

止或居之

居居字

音義居之丁本
作居云居字

公孫丑章句上

曾西斃然不悅

孟子丁氏手音

艷音勃

義音

爾何曾比子於管仲

曾音憎則也乃也

由反手也

由義當作猶猶如也古字借用耳下文由弓人由

矢人義同

膠屈

隔歷二音

並同上

相與輔押之

押音甲

音義云輔相息亮切丁本作押

速於置郵

郵音尤今之驛也

音義

不膚撓

撓奴効切

吾不遑焉

遑音揣恐懼也

音義云吾不揣焉之睡切丁本作遑

芒芒然歸

芒音忙

同上

以爲無益而舍之者

舍音捨下舍是舍亡皆同

音義引丁張並音

設辭知其所蔽

注若賓孟言雉雞自斷其尾之事斷音短

音義

善爲說辭

說依字

汗不至阿其所好

汗音蛙不平貌

徹彼桑土

土音杜

不可活

活尙書作迨音換下離婁篇同

羞惡之心

惡烏故切又如字

知皆擴而充之矣

擴音郭張大也字亦作擴音霍

巫匠亦然

注巫欲祝活人祝亦音呪

若將浼焉

浼亡且切說文曰汙也方言曰東齊之間謂汙曰浼

象指介者必偏

介者字多作分誤也

並同上

公孫丑章句下

然而不勝者

注然而城有不下去聲後注下土同

音義

使數人要於路

壺鳥花切

子之辭靈丘而請士師

注周禮士師以五戒先後刑罰先後並去聲

無財不可以爲悅

注不可稱貸而爲悅也稱如字

且比化者

比音庇及也

於人心獨無校乎

校音皎說文云療也

有私龍斷焉

案龍與隆聲相近隆高也蓋古人之言耳如胥須之類也

注龍斷謂堞斷而高者也堞廣雅音課開元文字音塊

悻悻然

一字當作倅形頂切很也直也又胡耿切字或作悻悻然論語音鏗

見於其面

見音現

章指言祿以食功

食音刷

並同上

滕文公章句上

章指論語曰力行近仁

近音附近案論語無此語是禮記中庸篇趙氏以

爲論語文之誤也

音義

民事不可緩也

注當以政督趣趣音促

亟其乘屋

亟音棘乘登也

貢者按數歲之中以爲常

注民供奉之有易有不易易以豉切下及後章不

易同

並同上

使民胥胥然

音義云胥然
丁本作胥

胥許乙切

同上

卿以下必有圭田

注王制曰夫圭田無征夫如字謂餘夫也鄭康成

注禮記訓夫爲治也

有爲神農之言者許行

行音衡又下孟反下同

捆屨

捆音岡案許叔重曰捆織也埤蒼曰捆倣也從手

從木者誤也

注猶叩拯也音卓擊也從手旁豕

陳良之徒陳相

相去平並通

糞殮而治

注當身自具其食當去聲

舍皆取諸其宮中而用之

舍音赦止也

並同上

是幸天下而路也

路與露同

音義引丁張並云

淪濟潔

上音藥中子禮切下他合切作濕誤也

放勳日勞之來之

日音駟或作日誤勞來並去聲

師死而遂倍之

倍義當作倍古字借用耳下子倍同

門人治任將歸

任而針切任謂擔任之具

皜皜乎不可尙已

注而乃欲以有若之質放聖人之坐席乎

今注疏本放作

於音義出放方往反傲像似

今也南蠻缺舌之人

缺音決又古役切

注詩云七月鳴缺毛詩作鳴古役切

魯頌曰

注魯頌閼宮之篇也閼音祕清淨之宮謂姜嫄之

廟

並同上

戎狄是應

音義膺擊
丁木作應

注應擊也案古訓應訓當此注訓擊蓋以當對是擊敵之義故轉訓耳

或相倍蓰

蕤音師從竹下徒開元禮文字音義曰倍謂十倍
而益之又音灑山綺切史記作倍灑徐廣曰一作
五倍曰蕤

子比而同之

比音鼻次比也

則道不見

見音現注不見同

蠅蝟姑嘜之

蠅未詳所出或以蠅與蝟同謂蟬蝟也音由又一

說云蝸姑卽蝮蛇也

蓋歸反藪裡而掩之

藪力追切土籠也或作藪下力知切土舉也

並同上

滕文公章句下

且志曰

志記也謂志記之書也

音義

注以爲孟子欲以是爲介介謂狷介也

我不買與小人乘

買音慣注貫習同

孟子下氏手音

古鄭姬館補校

四十八卷三十九

君子之難仕何也

難乃憚切又如字

媒妁之言

謂媒氏酌二姓之可否故謂之媒妁也

以傳食於諸侯

傳直戀切言轉食也

匪厥立黃

匪厥當作匪篚以盛贄幣此作匪古字借用下同

衆楚人咻之

注咻之者噍也噍案玉篇音陟名呼也今釋注意
音歛爲便蓋字謹謹同

書曰涿水警子

涿胡貢切說文胡工切

注涿洞無涯案玉篇下江切從夆夆下江切今注
宜音胡貢切從夆夆音逢涿洪水也下徒送切又
音同

驅蛇龍而放之菹

菹音嗟

音義集韻下平聲九麻菹字注澤有草
口菹孟子驅蛇龍而放之菹丁公著讀

孟子丁氏手音

孟卿姪能補校

險阻既遠

遠于願切

音義

沛澤多

沛蒲內切

野有餓莩

莩音孚

章指

是故禹稷駢蹟周公卬思駢蹟史記作胼胝謂手

足生胝也此蹟乃蹟蹟字音致義依史書讀之乃

便案字書卬讀如仰又離婁下章云周公思兼三

王以施四事其有不合者仰而思之夜以繼日幸
而得之坐以待旦是其事也

並同上

兄戴蓋祿萬鍾

蓋音盍

音義引
丁張

已頻顛

上音紀頻切亦作顛同下子六切

音義

是皦皦之肉也

皦五歷切鵝也

同上

出而哇之

孟子丁氏手音

四十八卷四十一

陸於佳切

音義引丁張

離婁章句上

離婁之明

注黃帝亡其元珠案莊子以元珠喻元妙至道耳

非寶其珠也

音義

詩云不愆不忘率由舊章

注大雅嘉樂之篇案詩作假樂假音暇樂音洛

疏本作假樂孫氏音

義出嘉樂引丁云

工不信度

注百工之作不信度量並去聲

音裁

名之曰幽厲

注厲王流于彘音帶韋昭曰彘晉地漢爲縣屬河東案史記周厲王立三十年暴虐侈敖國人傍王王殺謗者十四年民莫敢言道路以目二年乃襲王王奔彘

涕出而女於吳

女去聲以女妻人曰女

裸將于京

注執灌暢之禮將事於京師暢謂鬯酒也

並同上

逝不以淪

音義以濯
丁作淪

淪音藥

同上

章指戰戰恐栗義當作慄古字借用

音義

人不足與適也

適音謫注同

同上

離婁章句下

文王生於岐周卒于畢郢

注書曰大子發上祭于畢下至于盟津案古文尙

書無此文先儒以爲此文是僞秦誓也義

行辟人可也

辟音闕亦如字注辟除同

音義引
丁張

章人君由天天不家撫由義當作猶猶如也古字通

用後皆放此

音義

然後收其田里

注田菜也菜謂菜地菜之言采也故禮曰大夫有

采以處其子孫

音義
作乃收

案注疏閩本監本毛本並
其田里田業也里居也廖

望中本韓岱雲木作乃收其田菜及里居也孔繼
通本日本山井鼎考文古本並作乃收其田菜及

大姬媛館補校

里居也足利本作乃收其田里田萊及里居孫氏
音義出田萊引丁作采地釋是古本作萊訛爲萊

業耳

則賢不肖之相去其間不能以寸

注如此賢不肖相覺何能分寸覺音教義當作校

指五伯服人三王服心伯者長也言爲諸侯之長亦

音霸並同上

禹惡旨酒而好善言

注書曰禹拜讜言讜音黨尙書作昌言音義案古本昌作

讜今本
作昌誤

不泄邇

注云泄狎也案媒訓狎今注以泄訓狎借聲訓耳
晉之乘

音剩晉名春秋爲乘者取其善惡無不載

楚之檇杙

逃兀二音檇杙惡獸名也楚謂春秋爲檇杙者在
記惡而興善也

發乘矢而後反

乘音剩乘矢四矢

我由未免爲鄉人也

由與猶義同後皆放此

施從良人之所之

施音逸注同

施施從外來

施施依字詩曰將其來施施

注施施猶扁扁毗蘇切

並同上

萬章章句上

爲不若是恕

愬音界說文僧忞忽也許介切音義集韻去聲十六怪引丁公著讀

張朕

張音彫義與諄同

義音

若己推而內之溝中

推士回切亦如字下卷同

伊訓曰天誅造攻自牧宮朕載自亳

注云伊訓尙書逸篇不見古文耳今文尙書伊訓

曰造攻自鳴脩朕哉自亳與此文小異
並同上

萬章章句下

孟子丁氏手首

辛卯煥館補校

橫政之所出

橫胡孟切下同

義音

爾焉能浼我哉

浼音曼

同上

接浙而行

浙先瀝切瀝米也

音義引丁張

將比今之諸侯而誅之乎

比毗失切比地而誅猶言比尾而誅也音亦毗志

切

義音

魯人獵較

較音角

音義引
丁張

孔子先簿正祭器

簿步古切本多作薄誤

音義

不以四方之食供簿正

注度珍食難常有度大各切

庶人不傳質爲臣

質讀如贄

章指伊發有莘爲殷興道

言伊尹有莘之媵臣發起於草萊爲殷湯與其王

道也

並同上

告子章句上

義猶栝椳也

方言曰海岱之間謂盪爲椳盪音椳

音椳

注杞柳柜柳也柜音舉

章指孟子拂之不假以言也拂扶勿切戾也下曲拂同

此拂之亦如字

水信無分於東西

分扶問切下同並同

搏而躍之

音義云搏丁作搏

搏音圖

同上

羞惡之心

惡烏故切

音義

播種而稷之

稷音曼藥苗根也

聖人與我同類者

注聖人亦人也其相覺者以心知耳覺音教義訓

孟子丁氏手音

爲校

至于子都

注詩云不見子都乃見狂且且子餘切且助句辭
其好惡與人相近也者幾希

好呼報切下烏路切下所惡同

有梏亡之矣

梏古沃切謂悔吝利害也言利害之亂其性猶桎
梏之刑其身故喻之

嗾爾而與之

注噉爾咄咄之貌也咄都忽切叱也下七丙切呼

也

並同上

則不變禮義而受之

音義云不辨
丁本作變

於義當爲辨辨別也

同上

鄉爲身死而不受

鄉爲皆去聲下今爲爲指鄉爲其但爲亦爲皆同

章指

功毀幾成人在慎終

幾音祈又音機

必至於穀

注用思要時也思息一切

並同上

管子章句下

孟子曰於

於音烏歎辭也斷句

音義引丁張

力不能勝一疋雛

音義云匹雛丁作正雛

案注云疋雛小雛也卽疋訓小而訓詁及諸書訓

耦訓小無文今案方言少小也音節蓋與疋字相

似後人傳寫誤耳

同上

固哉高叟之爲詩也

爲僧解說也

同上

越人關弓而射之

關音彎

音義引
丁張

小弁親之過大者也

注小弁日行有死人尚或瑾之瑾路旁冢也

音義

五霸者

案先儒說五霸不同有以夏伯昆吾商伯大彭豕

韋周伯齊桓晉文爲五霸者今此注以齊桓晉文

秦穆宋襄楚莊爲五霸

音義朱子集註引丁氏曰
夏昆吾商大彭豕韋周齊

桓音文謂
之五霸

培克在位

培薄侯切深也聚斂也

音義

長君之惡

長又如字

同上

此則滑釐所不識也

滑音骨下力之切

音義引
丁張

謂之澤水

澤胡貢切

音義

詒詒子既已知之矣

此字音他。又達可切。說文云欺也。字作詒者音詒。詒詒自足。其智不耆善言之貌。今諸木皆作詒。卽不合注意。當借讀爲詒音也。

章指詩曰雨雪瀼瀼見暝聿消見音現。下奴見切。所以動心忍性。

忍音刃注同

曾益其所不能

依注曾讀當作增。依字訓義亦通也。

然後知生於憂患

知依注音智注同

章指教誨之方或折或引折之設切並同上

盡心章句上

莫非命也

注命有三名案此三命事出孝經援神契音義

驩虞如也

義當作歡娛古字通用耳

孩提之童

注在襁褓知孩笑可提抱者也襁褓紀享切說文
負兒衣也博物志曰織纓爲之廣八寸長一尺二
寸以負小兒於背上下音保聲類曰褓者小兒被
子也

章指聖人潛隱辟若神龍辟音譬下辟若同

粹然見於面

上音粹下音現

容光必照焉

注容光小卻也却去逆切義與隙同

摩頂放踵

放方往切至也下之隴切

注摩突其頂徒忽切穿突也

掘井九軻

軻音刃義與仞同借用耳先儒以七尺爲仞注云

八尺曰軻

章指胖子不瞽也瞽開元文字音義音茂目不明也

食而弗愛

食音嗣

章有表無裏謂之抽梓上以究切似橙而階下音塗
從木華字亦作榛榛似栗而小引此二物者皆謂
內不稱外

有私淑艾者

艾音刈治也

變其殼率

率循也謂殼張其弩又當循其身道令必日於表

躍如也

躍如猶言卓爾

並同上

盡心章句下

虎賁三千人

賁音奔先儒言如猛虎之奔

義音

注書云虎賁贅衣贅之稅切

若崩厥角稽首

注額角犀厥地額卽額字犀音西義與捷遲通息也久也字從尸下辛或作犀牛字誤也

簞食豆羹見於色

注鄭公子染指飭羹之類飭音元左傳作滄

貉

貉，音鶴。二音。既是人姓，當音鶴。纂文曰：俗人姓也。

兩馬之力與

古人駕車以兩馬軌，謂限之轍迹也。孟子意言城門限迹切深，以日久遠爲車所轍多故也。豈是一時兩馬駕車而過之使然。

莫之敢攖

攖於盈切。從手，埤蒼攖，梏也。此注云迫也。

既入其並

並音立欄也圈也

是以言佻之也

注云餽取也今案字書及諸書並無此佻字郭璞方言注云音忝謂挑取物也其字從金今此字從食與方言不同蓋傳寫誤也學者宜詳本亦作佻
奴兼切

則貌之

音逸藐然輕易之貌又音眇

勿視其魏魏然

當作藪

椽題數尺

椽楚危切爾雅曰桷謂之椽題也

必也狂狷乎

狷音絹與狷同

如琴張曾皙牧皮者

注子張之爲人蹠蹠譎詭論語曰師也辟蹠蹠

甚切下勅效切又勅角切

並同上

孟子外書

文說第二

靈龜隱於萊孟子使人問之以書且遺之粟曰介士也

靈古蜺字萊國名後屬齊今萊州也隱居當在致

爲臣而去之後照時子注引
丁氏公著